

يا انا يا الشعر.. مين يكسب؟

ومش هدرس أنا ف الشعر
وأوضب كل أقلامي
ومش ناوية أعوم ف البحر
أنا هكتب بأحلامي
يا تنصفني يا تحدفني
واموت ع السطر من غلبي
يا توصفني وتمدحني
والاقي ديوان طالب قربي
يا تهجينى وتنفيني
وازور ف القافية وأسلم
ألاقي الهم متعي
ويا قلبي.. ساعدني شوية
أكتبلك وأحسبك بنبضك شوق
ويا وردي بلاش تعذرني ف جنوني
ولا تهادينى مرة بشوك
وليه النص مش محبوبك
عشان يشمت ف تفكيرى
وليه الشعر مش ممسوك
ولايف ع الحريم غيرى

أنا والله معقولة
وبطلب منه يتأني ويستني
ده انا لساني بيتهجي
تقع سنة من الوزنة
هتطلعلي ميتين سنة
وفيه أنة .. فإني بكتبك
رايقة.. ومتدايقة
وإني بعلنك صوتي
وانا شاربة وعطشانة
وإني بسمعك روجي
وانا ف قصري وغلبانة
وعيانة بداء الشعر
واخاف أخده كمان ف القبر
يحاسبوني عليه الملكين
وبفتكره حبيب خاين
وهتجراً عليه بسكين..
يا إما الشعر يدبحني
يا إما يسيبني.. وف عرشه
ألاقي نفسي من سحره
كما ملكة في غمضة عين..